

Mjere zaštite ugrožene riblje vrste glavatice

31 March 2005

Riblja vrsta glavatica (*salmo marmoratus*) je zasigurno najatraktivnija riblja vrsta rijeke Neretve, može da naraste do 140 cm dužine i 30 kg težine – to je svrstava među najkrupnije salmonidne vrste. Iz razloga – to naseljava samo nekoliko rijeka jadranskog sliva smatra se endemom ovog područja.

Nažalost, zbog svoje atraktivnosti često je na meti krivolovaca i njena populacija u gornjem toku Neretve je posljednjih godina svedena na minimum. Udruženje "Zeleni-Neretva" je krajem prošle godine provelo manju kampanju u cilju zaštite ove ugrožene vrste. Organizovan je okrugli stol na kojem su prisustvovali predstavnici ribolovnih udruženja i saveza, prirodno-matematskog fakulteta iz Sarajeva, turističke zajednice kao i ostali zainteresovani za rješavanje ovog problema. Jedan od zaključaka skupa bio je i uvođenje hitne mjere zabrane sportskog ribolova na ovu riblju vrstu.

Udruženje sportskih ribolovaca iz Konjica je brzo reagovalo i donečena je mjera zabrane izlova ove vrste za sljedeću ribolovnu sezonu. Mjera zabrane je i naglašena krupnim tiskom na novoj ribolovnoj dozvoli. Također, udruženje riblovaca iz Konjica uz izdavanje svojih ribolovnih dozvola distribuira i propagandni materijal a koji je izrađen od strane našeg udruženja u cilju potpore kampanji. Također i neka udruženja sportskih ribolovaca iz Sarajeva organizuju potpisivanje izjave o odustajanju lova na glavaticu za svoje članove prilikom izdavanja dozvola za ovu sezonu.

Početkom aprila početak nove ribolovne sezone na rijeci Neretvi tako upućujemo apel sportskim ribolovcima da svojim sportskim i moralnim kodeksom ponašanja doprinesu opstanku ove riblje vrste u gornjem toku Neretve. To će se omogućiti liènim primjerom od lova ove vrste riba, ali i zalaganjem kod nadležnih organa za donošenje dugoroènih mjera zaštite ove riblje vrste.